

RESOLUCIÓN REITORAL DO 13 DE MARZO POLA QUE SE PUBLICA A CONVOCATORIA DE AXUDAS PARA A ORGANIZACIÓN DE OLIMPIADAS DO SABER NA UNIVERSIDADE DE VIGO NO ANO 2024.

O Decreto 13/2019, do 24 de xaneiro, polo que se aproban os estatutos da Universidade de Vigo (DOG do 22 de febreiro de 2019) establece no seu artigo 2 que entre os seus fins prioritarios está fomentar o desenvolvemento sustentable, a vida saudable, a cultura, o deporte e o voluntariado. Así, no artigo 97 do devandito texto normativo establécese que “A creación e a transmisión do coñecemento, como actividade propia da Universidade, instrumentase a través da docencia, da investigación, da transferencia, da extensión universitaria e da divulgación científica.”

Esta convocatoria pretende favorecer estas actividades mediante a organización de olimpíadas do saber que fomenten o esforzo e o rendemento académico do alumnado en calquera das materias científicas, lingüísticas, humanísticas, sociais ou tecnolóxicas que formen parte do currículo de Educación secundaria obrigatoria ou Bacharelato.

De acordo con todo o indicado, esta reitoría **RESOLVE**

1. Convocar axudas para a organización de olimpíadas do saber na Universidade de Vigo que serán xestionadas de acordo coas bases reguladoras da presente resolución.
2. Ordenar a publicación da presente convocatoria e as bases que a regulan no taboleiro da sede electrónica <https://sede.uvigo.gal/>.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na Lei 29/1998 do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na Lei 39/2015, de 1 de outubro, do procedemento administrativo común das administracións públicas.

O reitor

Por delegación R.R. do 31/10/2023 (D.O.G. do 10 de novembro)

A vicerreitora de Estudantado e Empregabilidade

(asinado electronicamente)



BASES DA CONVOCATORIA

1. Obxecto

O obxectivo da convocatoria é promover nos centros da Universidade de Vigo a organización de competicións entre xoves estudantes cuxo obxectivo primordial sexa estimular o estudo e incentivar a adquisición de actitudes e competencias científicas, tecnolóxicas, lingüísticas, humanísticas e/ou sociais.

2. Requisitos

Poderán solicitar esta axuda os centros da Uvigo que organicen as citadas Olimpíadas do Saber que cumpran os seguintes requisitos:

- Que o estudantado compita intelectualmente, por equipos ou de xeito individual, de forma construtiva, comprometida e reflexiva.
- Que fomenten o esforzo e o rendemento académico do estudantado en calquera das materias científicas, tecnolóxicas, lingüísticas, humanísticas e/ou sociais que formen parte do currículo de Educación Secundaria Obrigatoria ou Bacharelato.
- Que participe estudantado de, polo menos, cinco centros educativos que impartan Educación secundaria obrigatoria ou Bacharelato na Comunidade Autónoma de Galicia.
- Que se realicen durante o curso 2023/2024 na Facultade/Escola da Uvigo que a solicita.

3. Dotación orzamentaria e pagamento

Os fondos destinados a esta axuda irán con cargo á aplicación orzamentaria 2024 00EE 211E 22699 e o importe máximo do crédito orzamentario retido para esta convocatoria ascende a 6.000 €. Estas axudas repartiranse equitativamente entre as solicitudes presentadas de xeito que a contía máxima de cada axuda non poderá ser superior a 1.000 € e será determinada pola Comisión de Extensión Universitaria e Estudantes destinándose a cubrir de xeito total ou parcial os custos derivados da organización da Olimpíada para a que se solicita a axuda.

Só se poderá optar a unha axuda por centro e ano.

Non se abonarán gastos de dirección e secretaria pola organización e xestión da Olimpíada.

O pagamento da axuda efectuarase unha vez presentada a documentación (facturas e xustificantes de gasto) así como a memoria sinalada no punto 6 desta convocatoria.

4. Presentación de solicitudes e documentación

O impreso normalizado de solicitude (Anexo I) de axuda para a organización da Olimpíada do Saber a cubrir polo decanato ou dirección do centro deberá achegarse debidamente cuberto, asinado e a través da sede electrónica da Universidade de Vigo (<https://sede.uvigo.gal>) como Instancia Xenérica (SXER) dirixido á Vicerreitoría de Captación de Alumnado, Estudantes e Extensión Universitaria.

O prazo de presentación das solicitudes remata o 31 de maio de 2024 ás 23:59 h.

Xunto coa solicitude deberán presentar a seguinte documentación:

- Acordo da xunta de centro, ou comisión delegada da mesma, relativo á solicitude da axuda.
- Documento acreditativo da concesión doutras axudas externas ás da Universidade de Vigo para o mesmo fin, indicando a contía da mesma, de ser o caso.

Poderase requirir calquera outra documentación que fose necesaria para a concesión da axuda.



5. Resolución

As solicitudes, unha vez rematado o prazo de presentación, serán revisadas polo órgano convocante e daráselle trasladado á Comisión de Extensión Universitaria e Estudiantes para a súa avaliación.

A continuación publicarase a listaxe provisional de axudas concedidas e denegadas coa mención da causa de denegación e disporase dun prazo de **cinco días hábiles** contados a partir do día seguinte á citada publicación para formular alegacións.

6. Obrigas

No prazo dun mes, despois da realización da actividade, o decanato ou dirección do centro solicitante elaborará unha memoria final das Olimpíadas do Saber segundo o modelo do Anexo II, que deberá remitirle a Vicerreitoría de Estudantado e Empregabilidade. Nela indicárase en que se investiu a axuda da convocatoria.

Os centros que finalmente resultaron beneficiarios das axudas adquiren o compromiso de incluír o logotipo da Universidade de Vigo no material gráfico que se xere no desenvolvemento e difusión da Olimpíada.

Así mesmo facilitarán un link coa información da actividade para a súa difusión na web da universidade: <https://www.uvigo.gal/ven-uvigo/centros-secundaria/actividades-divulgacion-cientifica/olimpiadas-saber>

Se unha vez analizada a memoria existise algunha desviación entre o concepto solicitado e o uso da axuda, a Comisión de Extensión Universitaria e Estudiantes podería anular a axuda concedida.

7. Protección de datos

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE (Regulamento Xeral de Protección de Datos ou “RXP”) e co disposto no artigo 11 da Lei orgánica 3/2018, de 5 de decembro, de protección de datos persoais e garantía dos dereitos dixitais, informámoslle que os datos que nos facilite na solicitude serán tratados baixo a responsabilidade da Universidade de Vigo, coa finalidade de organizar e xestionar os obradoiros, e amparados por esta convocatoria.

Coa súa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria. Non obstante e co fin de previr riscos para a publicidade de datos persoais de vítimas de violencia de xénero, dita circunstancia deberá comunicala a persoa afectada coa maior celeridade posible á Unidade de Igualdade da Universidade de Vigo ao teléfono 986 813419 ou ao enderezo electrónico igualdade@uvigo.es.

Estes datos trátanse durante o tempo imprescindible para cumprir coa citada finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

CSV : GEN-5847-3d28-e7b2-3cec-5fcf-b04e-8732-3f74

DIRECCIÓN DE VALIDACIÓN : <https://portafirmas.redsara.es/pt/valida>

FIRMANTE(1) : NATALIA CAPARRINI MARIN | FECHA : 12/03/2024 13:21 | NOTAS : F



Os devanditos dereitos poderá exercelos mediante solicitude dirixida ao Reitor da Universidade de Vigo e presentada en sede electrónica da Universidade de Vigo <https://sede.uvigo.gal/>, ou calquera dos rexistros indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario, 36310-Vigo (Pontevedra). Para mais información: <https://www.uvigo.gal/proteccion-datos>.

Igualmente poderá dirixir dita solicitude directamente ao Delegado de Protección de Datos da Universidade de Vigo, ao enderezo electrónico: dpd@uvigo.gal.

Así mesmo, se a súa solicitude non é atendida pola Universidade de Vigo, vostede ten dereito a presentar unha reclamación ante a Axencia Española de Protección de Datos (AEPD).



ANEXO I

SOLICITUDE DE AXUDAS PARA A ORGANIZACIÓN DE OLIMPIADAS
DO SABER NA UNIVERSIDADE DE VIGO NO ANO 2024.

Centro:			
Persoa de contacto:	Apelidos:	Nome	
	Telf.:	Mail:	

Documentación que se achega		
Copia do acordo da Xunta do Centro (debe incluír a data de aprobación)	Si	Non
Documentación acreditativa do financiamento externo (de ser o caso):	Si	Non
Título da Olimpíada:		
Datas de celebración:		
Web:		
Nº Centros participantes:		
Nº Estudiantes participantes:		

RESUMO DA PROPOSTA EN QUE INVESTIRÁ A AXUDA



ANEXO II

MEMORIA DA CONCESIÓN DE AXUDAS PARA A ORGANIZACIÓN DE
OLIMPIADAS DO SABER NA UNIVERSIDADE DE VIGO NO ANO 2024.

Centro:		
Persoa de contacto:	Apelidos:	Nome:
	Telef:	Correo:

Título da Olimpíada:	
Datas de celebración:	
Web:	
Nº Centros participantes	
Nº Estudantes participantes	

MEMORIA DA ACTIVIDADE E CONCEPTOS/SERVIZOS/..... NOS QUE SE INVESTIU A AXUDA

